

Prekinut put francuskog pjesnika u Mostaru

Ispred pansiona "Most" ukraden terenac "tojota" Marka Rožea

Rože sebe naziva telalom • Živi čitajući i pješačeći • Čita u bibliotekama, školama staračkim domovima, zatvorima, kafanama... Pošao za Sarajevo

Francuski pjesnik **Mark Rože** (Marc Roger) možda neće biti u prilici da ostvari svoj san: da sa knjigom u ruci, pješke putuje od grada do grada i tako obiđe sredozemne zemlje, čitajući književna djela "u geografskom kontekstu u kojem su ona i napisana".

Prekinut san

San mu je prekinut u Mostaru, gdje su mu u noći između nedjelje i ponedjeljka lopovi ukrali sivi džip *tojota HJ 61*, registracija 611-HP-75 i devet plavih sanduka s knjigama neophodnih za nastavak puta.

Mark Rože sebe naziva telalom. Živi čitajući i pješačeći. Čita u bibliotekama, školama staračkim domovima, zatvorima, kafanama. Osnovao je 1996. godine Udruženje *La Voile des livres* (Put knjiga) da bi potom krenuo na put po Francuskoj.


Njegov slogan je: "S knjigom pješke i na sav glas". U nedjelju, 19. oktobra, Rože se upustio

u avanturu, sa suprugom, djetetom i jednim fotografom. Krenuo je na put koji je trebao trajati godinu dana, tokom kojeg je Rože trebao čitati i pješačiti po zemljama Sredozemlja.

Dnevno je prelazio po 15 do 20 kilometara. Fotograf je pravio fotose za

Andrić, Homer...

Rože je 18. decembra popodne planirao doći i na most u Višegradu da bi čitao na sav glas odlomak iz Andrićevog romana *Na drini ćuprija*. Isto je namjeravao i sa Homerovom *Ilijadom* na mjestu nekadašnje Troje, u Turskoj. "Sastanak sa književnošću" sam sebi je Rože zakazao i u jednom grčkom amfiteatru, gdje će treba čitati tekst Jacquesa Lacarrièrea. Kaže, možda će ga prolaznici zapaziti, zaustaviti se i nastaviti slušati. A možda i neće.



Rože: pored „tojote” prije nego je ukradena

knjigu sa njegovog putovanja. Na džipu, u kom su se vozili njegova porodica i fotograf, nalazila se prava biblioteka u kojoj je bilo 300 knjiga.

Ideja za ovo putovanje sinula mu je u salonu knjiga u Bejrutu. "Izvanredno su me dočekali za vrijeme seansi čitanja", kaže Rože, i dodaje: "Za 10 dana ljudi me nisu iznevjerili. Čitavo vrijeme

osjećao sam potrebu za pričama, želju za dijeljenjem. Šetajući po plaži, posmatrajući more, pomislio sam kako mora da je isti osjećaj svuda na Sredozemlju".

Trebalo mu je tri godine da bi ostvario svoj san, za koji je napravio dva programa čitanja tekstova. Počevši od grada Aresa u Francuskoj, Rože je obišao gradove

Monpellier, Marseille, Rim, Split i Mostar. I tu su ga lopovi "probudili" iz njegovog sna...

Rože je već nekoliko dana spavao u pansionu *Most* u Mostaru. U nedjelju je čitao u Stocu. U ponedjeljak je trebao nastaviti za Sarajevo, a odatle u Tuzlu, Višegrad, Banju Luku, Tiranu, Atinu, Thessaloniku, Izmir, preko Rodosa kroz Bybos... Aleksandriju, Tripoli, Alžir i sve do Barselone.

Jutarnji šok

Medutim, kada je jučer u šest sati pješke trebao krenuti ka Sarajevu, primijetio je da su mu lopovi s parkinga ukrali džip.

Odmah je obaviještena lokalna policija, EUPM i Interpol. Program planiran za Sarajevo će biti održan, a onda će kontaktirati francusko ministarstvo kulture i druge sponzore - kaže Rože.

Ukoliko mu sponzori ne budu pomogli, njegov put će se završiti u Sarajevu.

D. PAVLOVIĆ